

TABULA 346.

PIPER GRANDE.

DIANDRIA TRIGYNIA.

- CHAR: ESSENT: *Spadix* amentiformis. *Cal.* o. *Cor.* o. *Styl.* brevissimus. *Stigm.* 5. manifesta; aut (in *Peperomiis*) punctum vel maculam 1-2, tantum sistencia. *Bacca* 1-sperma. (*Stamina* 2, 4, 5 et 6.)
- PIPER grande: foliis ovato-oblongis acuminatis multinerviis, basi petiolisque aequalibus. *Vahl Eclogae Americ.* Fasc. 2. p. 5. t. 11.
Crescit ad St. Martham. 6.
- RAMI striati, glabri, crassitie pennae anserinae: geniculi nodosi; internodii tri-vel quadripollicares.
- FOLIA petiolata, alterna, ovato-oblonga, inferiora basi subcordata, semipedalia, pollices sex ad septem lata, tenera, acuminata, utrinque laevia, multinervia: nervi obliqui arcuati, inferiores oppositi, reliqui alterni, venosa, basi aequalia, pallide viridia; suprema latere altero parum angustiora et basin versus oblique decurrentia.
- PETIOLUS pollicaris, absque appendiculo.
- PEDUNCULUS oppositifolius, petiolo brevior.
- SPICAE internodiis longiores, tri-vel quadripollicares, crassitie fili emporetici.
- FLORES minutissimi.
- Obs: *Piper macrophylo* celeb. *Swartzii* differt pedunculis non appendiculatis.

Ramus magnitudine naturali.